



Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Wiyagi-ombâkoniganan Ondje Pemâdizidjig

Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31, Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiyeg obatem.

Wiyagi-ombâkoniganan Ondje Pemâdizidjig

Wiyagi-ombâkoniganan ondje pemâdizidjige ekidomagak shesin ishkwan dem ondje awegwendog kiwîdji-bimâdizidj, misawâdj igodj wendingâdeg ked-inayigadigwen ânike-adâwâgan adâwiwigamig, pîndigamig kâ-ânikopidegin adâwewigamigôn, wîsinîwogamigôn, siginibîwogamigôn, endaji-shôwikenâniwang, shônîyâkewogamigôn, bingowogamigôn, kâkândjiwebiminahigewogamigôn, anôkî-âwajiwe-odâbân'n, kâ-ginwâg anôkî-âwajiwe-odâbân. Kâ-inachigâdeg Sagaswe-bakesâyâ (KSB), inâkonigewining mezinâdeg, kî-gibahigâden âjaye.

Kodagan Abinâsan : Tesigôden ashidj Sagaswewini-abinâsan

Kîshpin ombâkonigan tesigôdekâdeg agwadjîng, kâwin sagaswenâniwanzinôn tesigôdeng kîshpin apakwânikâdeg, awâdj igodj kîshpin pangî eta apakweyâg. Kîshpin apakwâdeg mâmawe wiyagîgin, nigâsimonîgin, konima kaye kodag kego ked-âbidji-ateg, konima kaye wenibik eta ked-inâbadak kidji-âgôwâbâwizinâniwang konima kaye kidji- âgôyânamag konima kaye tâbishkodj. Kîshpin eta âgawâtewon pidakising pejig wîsiniwâganing kâ'n kada-agindâgosinôn apakwâniwang. Anishâ tash, kîshpin âgawâtewonan inâbadak maya igodj apakwân towa, ogimâ-anôdâgan ogad-iji-odâpinân maya igodj 'e.

Odibisitwâwiniwân Tebenindjigedjig ashidj Mayâwosedjig

Tebenindang konima kaye pemâdizidj nâgânîdj mâmakâdj:

- Kikenindamônjiweg ega sagaswâniwang pîndig.
- Akonânâwân âtawechige-onâganan konima kaye kodagan ked-inâbadakin âtawechiganan.
- Kikenindamônâwân chega-zagaswewâdj ondemitâ-ombâkoniganing.
- Kikenindamôj kîshpin pemâdizidj mânendjigedj mâmakâdj ke-zâgahang.

- Ayagodôn tibâdjimozinahiganan ega sagaswâniwang ke-bimi-bîndigenâniwang, pemi-zâgahaminâniwang, ijâwinikâng, ashidj ândidog igodj ke-wâbandjigâdeg kidji-gikenindâgok tash ega sagaswâniwang. Kîshpin wî-nanda-gikenindaman ke-ondinigâdegoban tibâdjimo-mazinahigânsan, kanôj âwiyeg mino-bimâdjwawin kejjigâbandangik.

Ke-dôdamowâdj Pemâdizidjig

Kâwin kada-zagaswesîg sîginibîwigamigông ashidj wîsiniwigamigông.

Mashkawizîchigâde

Wâkâhî endanizidjig kejjigâbandangik mino-bimâdiziwin kada-baba-ayjîg nâgada-wâbandjigewâdj ashidj kidji-nanda-gikenindjigewâdj apîch ânwâbandjigewin tagwang sîginibîwogamigông konima kaye wîsiniwigamigông kidji-mashkawâtôwâdj iye inâkonigewin. Mino-bimâdiziwin neyâgidjitôdjig kada-gashkitog kidji-baba-ayinâbiwâdj anda-gikenindamiwâdj kîshpin nôsinehigâdegwen inâkonigewin.

Ked-ayindidj

Kâwin wîndâgosinôn maya ked-inigokwâg kîjîkâzowin kîshpin ânwetang awaso inakâg inâkonigewin, wâ-ikidômagak tash tibâkonigewininî odayân kidji-onatôdj ked-inigokwâg kîjîkâzowin. Pemâdizidj konima tâ-ijinâgodini kidji-gîjîkâzodj \$5,000.00 minigik.

Awaso tibâdjimozinahigan tidâtibî-nandwânikewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye 'ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjigak ako Chîbayâtigo-gîjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

www.mhp.gov.on.ca/english/health/smoke_free/legislation.asp.

Wâbigon Kîzis 2006